

Argien per Annina Tomaschett el mix a Berlin

La tiradura *Annina Tomaschett* da Trun ha contonschiu il secund plaz alla concorrenza internaziunala mischedada da tir da 10 m a Berlin. Quei secund rang ei reussius ad ella ensemen cun *Fabio Wyrsh* sco Svizra 2. Gia ella qualificaziun han els sittau fetg buns resultats (102,3 e 103,9) e han silsunter saviu augmentar successivamein il diember da puncts (104,5 e 105,7 per Tomaschett; 105 und 105,3 per Wyrsh). Cun in total da 626,7 puncts ein els seclassai sin rang 2 e han aschia saviu separticipar alla concorrenza pigl'emprem plaz. Ditg e liung han ils dus tiradurs svizzers teniu petg alla squadra Italia 3. La fin finala han ils Talians giu las meglieras gnarvas e gudignau la partida cun 17:13. La medaglia da bronz ei ida al Team CSA Steaua. 22 teams ei separticipai alla concorrenza. (cdm/fmr)